

***Ugovor o nabavci usluga mikrobioloških analiza životnih namirnica i gotove hrane, kontrole briseva, sanitarnih pregleda radnika, kontrole sterilizacije za potrebe KJU „Dom za socijalno zdravstveno zbrinjavanje osoba sa invaliditetom i drugih osoba”***

Zaključen u Sarajevu između:

1. **Kantonalna javna ustanova “Dom za socijalno zdravstveno zbrinjavanje osoba sa invaliditetom i drugih osoba”** sa sjedištem u Sarajevu, Nahorevska 195, koju zastupa direktorica Sanita Alagić, dipl. ecc. / u daljem tekstu: **Naručilac** /  
i
2. **J.U. „Zavod za javno zdravstvo Kantona Sarajevo“ Sarajevo**, ul. Dr.Mustafe Pintola broj 1 Ilidža Sarajevo, kojeg zastupa direktorica prof.dr.med.sci. Pilav Aida,/u daljem tekstu: **Izvršilac**/

## **I. UVOD**

### **Član 1.**

Na osnovu provedenog postupka javne nabavke putem direktnog sporazuma – nabavka usluga mikrobioloških analiza životnih namirnica i gotove hrane, kontrole briseva, sanitarnih pregleda radnika, kontrole sterilizacije za potrebe Naručioca, Ugovorni organ je Odlukom broj: 26-391-3/19 od 12.03.2019. godine odabrao ponudu Dobavljača broj 05.13.109-1875-1/19 od 08.03.2019.godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

## **II. PREDMET I TRAJANJE UGOVORA**

### **Član 2.**

Predmet ovog ugovora nabavka usluga mikrobioloških analiza životnih namirnica i gotove hrane, kontrole briseva, sanitarnih pregleda radnika, kontrole sterilizacije za potrebe Naručioca prema obrascu za cijenu ponude, karakteristikama i zahtjevima ugovornog organa u provedenom postupku javne nabavke iz člana 1. ovog Ugovora.

Ponuda dobavljača broj: 05.13.109-1875-1/19 od 08.03.2019.godine iz stava 1. ovog člana je sastavni dio ovog ugovora.

Ovaj Ugovor zaključuje se na period od 1 (jedne) godine dana od dana zaključenja i izvršavat će se sukcesivno prema potrebi i zahtjevima Naručioca.

## **III. CIJENA**

### **Član 3.**

**Ukupna vrijednost ovog ugovora iznosi 3.297,40 KM.**

Izvršilac se obavezuje na nepromjenjivost ponuđene cijene.

## **IV. NAČIN PLAĆANJA**

### **Član 4.**

Naručilac se obavezuje da će plaćanje usluga, iz člana 2. ovog Ugovora vršiti u roku od 15 dana od dana izvršenja usluge, a na osnovu ispostavljene fakture.

Izvršilac je saglasan da Naručiocu neće zaračunavati zatezne kamate za zakašnjenje pri plaćanju preko „Trezora”, ako je Naručilac u ugovorenom roku predao nalog za plaćanje.

## V. MJESTO IZVRŠENJA

### Član 5.

Mjesto izvršenja ugovorenih usluga iz Člana 2. ovog Ugovora je poslovni objekat Naručioca ul.Nahorevska 195., Sarajevo, Općina Centar.

## VI. OBAVEZE IZVRŠIOCA

### Član 6.

Izvršilac se obavezuje da će ugovorene usluge izvršiti stručno i da će u izvršenju istih postupati u skladu sa stručnim standardima i poslovnom etikom, u skladu sa tenderskom dokumentacijom i prihvaćenom ponudom.

Izvršilac se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

## VII. OBAVEZE NARUČIOCA

### Član 7.

Naručilac se obavezuje da ukupnu vrijednost ugovorenih usluga iz člana 3. ovog Ugovora, isplati na način i roku iz člana 4. ovog Ugovora.

## VIII. PRELAZNE I ZAVRŠNE ODREDBE

### Član 8.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se nemogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovorajuća odredba Zakona o obligacionim odnosima.

### Član 9.

Ugovor je sastavljen u 4 /četiri/ istovjetna primjerka, od kojih se ugovornim stranam uručuje po 2 /dva / primjerka.


Ovaj ugovor stupa na snagu danom obostarnog potpisivanja.

#### NARUČILAC:

Kantonalna javna ustanova  
„Dom za socijalno zdravstveno zbrinjavanje  
osoba sa invaliditetom i drugih osoba”



Sanita Alagić dipl.ecc, direktorica



#### IZVRŠILAC:

JU „Zavod za javno zdravstvo Kantona Sarajevo”



prof. dr.med.sci. Aida Pilav



Broj: 26-391-4/19  
Datum: 12.03.2019.godine

Broj: 05.14.110-2023/19  
Datum: 14.3.2019.godine